



Broj/Broj: 01/4-50-1-4-16/07
Sarajevo/Sarajevo, 6.11.2007. godine

Z A P I S N I K

16. sjednice Komisije za finansije i budžet Predstavničkog doma Parlamentarne skupštine BiH,

održane 6.11.2007. godine, u vremenu od 10 do 11 sati

Sjednici Komisije prisustvovali su članovi: Sadik Bahtić, Salko Sokolović, Bajazit Jašarević, Drago Kalabić, Lazar Prodanović i Adem Huskić.

Sjednici Komisije nisu prisustvovali članovi: Velimir Jukić koji je pravdao odsustvo, te Savo Erić i Zlatko Lagumdžija.

Sjednici je prisustvovao i poslanik Vinko Zorić, a od pozvanih predstavnika institucija i gostiju:

- Amila Ibrahimović iz OSCE-a,
- Dženana Leper iz Istraživačkog sektora PSBiH,
- Borislav Matić i Dragoljub Kovinčić iz Ureda za reviziju institucija BiH;
- Mirjana Sirčo iz GROZD-a;
- Dragica Hinić, sekretar.
-

Sjednici je predsjedavao Sadik Bahtić, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 15. sjednice Komisije;
2. Razmatranje Prijedloga zakona o izmjenama i dopunama Zakona o akcizama u BiH - druga komisijska faza (predlagač: Komisija za vanjsku trgovinu i carine);
3. Razmatranje Zbirnog izvještaja uz revizijske izvještaje institucija BiH za 2006.godinu;
4. Razmatranje Devetomjesečnog finansijskog izvještaja Ureda za reviziju institucija BiH za period od 1.1.2007.do 30.9.2007. godine;
5. Tekuća pitanja.

Kako na sjednicu nije došao predlagač Zakona iz tačke 2. dnevnog reda, članovi Komisije jednoglasno su odlučili skinuti ovu tačku s dnevnog reda, s obzirom na ranije prihvaćeni stav da se prijedlozi zakona ne razmatraju bez prisustva predstavnika predlagača.

Potom je jednoglasno usvojen ovako izmijenjen dnevni red.

Ad. 1. Usvajanje Zapisnika 15. sjednice Komisije

Zapisnik 15. sjednice članovi Komisije jednoglasno su usvojili.

Ad. 3. Razmatranje Zbirnog izvještaja uz revizijske izvještaje institucija BiH za 2006.godinu

Adem Huskić dao je podršku radnom materijalu predloženog Zbirnog izvještaja i zaključaka, s tim da je naglasio neophodnost njihove konkretizacije tačnim određivanjem rokova, konkretno u vezi sa zaključcima gdje nije određen tačan rok. Ovaj rok trebalo bi da budu 31.12.2007. Dalje je predložio da se institucijama čiji revizorski izvještaj bude uzastopno dva puta negativan umanjiti budžetska stavka za plaće za 2008. godinu u visini od 10% u odnosu na prethodni budžet.

Lazar Prodanović mišljenja je da treba propisati odgovornost imenovanih lica u institucijama u slučaju da te institucije dva puta uzastopno dobiju negativno mišljenje revizora.

Bajazit Jašarević naglasio je da trenutno ne postoji zakonska mogućnost za sankcioniranje direktora u takvim slučajevima. Kako bi se stvorile takve mogućnosti, potrebno je izvršiti usklađivanje pojedinih zakonskih propisa koji tretiraju ovu materiju. Prije svega, to se odnosi na reguliranje utvrđivanja navedene odgovornosti u Zakonu o državnoj službi u institucijama BiH i Zakonu o ministarstvima i drugim organima uprave. Podržao je prijedlog Huskića o umanjenju budžeta takvih institucija za 10%.

S navedenim stavovima saglasili su se i Lazar Prodanović i Salko Sokolović.

Lazar Prodanović potom je dao preporuku kojom bi se Zbirnim izvještajem predložilo Domu da sačini izmjene i dopune Poslovnika u smislu uspostavljanja zasebne Zajedničke komisije za reviziju, te Zajedničke komisije za finansije i budžet.

Nakon rasprave, članovi Komisije jednoglasno su prihvatili sve navedene predložene dopune preporuka i zaključaka u Zbirnom izvještaju i potom ga uputile u daljnju parlamentarnu proceduru s prijedlogom za usvajanje.

Ad. 3. Razmatranje Devetomjesečnog finansijskog izvještaja Ureda za reviziju institucija BiH za period od 1.1.2007. do 30.9.2007. godine

Nakon kraće rasprave, članovi Komisije jednoglasno su usvojili Devetomjesečni finansijski izvještaj Ureda za reviziju institucija BiH za period od 1.1.2007. do 30.9.2007.

Ad. 4. Tekuća pitanja

a) Članovi Komisije informirani su ponovo o seminaru koji 15.11.2007. godine, u zgradi Centralne banke BiH, o temi „Unapređenje budžetskih i fiskalnih politika u BiH“, organizira MMF. Na ovaj seminar pozvani su svi članovi Komisije.

b) Članovi Komisije upoznati su s pozivom Projekta jačanja upravljanja javnim finansijama u BiH za učešće na radionici o temi „Unapređenje budžetske transparentnosti i odgovornosti - uloga parlamenta u pregledu i analizi vladinih budžeta“. Ova radionica održava se u Sarajevu, 27. i 28.11.2007. godine, a pozvani su svi članovi Komisije.

Jednoglasno je odlučeno da ovoj radionici prisustvuju: Sadik Bahtić, Velimir Jukić, Salko Sokolović, Adem Huskić, Bajazit Jašarević i Savo Erić.

c) Članovi Komisije upoznati su s pozivom Misije OSCE-a u BiH za učešće na seminaru o temi „Izvještaji o reviziji-mehanizmi za poboljšanje efikasnosti javnog sektora“, koji se održava 29.11.2007. u Sarajevu, u zgradi PSBiH. Na ovaj seminar pozvani su svi članovi Komisije.

d) Članovi Komisije upoznati su s pozivom na radionicu o temi „Budžeti bh. institucija iz oblasti odbrane i sigurnosti za 2008. godinu“, u Vitezu, 22.i 23.11.2007. godine, u organizaciji Zajedničke komisije za odbranu i sigurnost BiH. Na ovu radionicu također su pozvani svi članovi Komisije.

Sekretar Komisije
Dragica Hinić

Predsjedavajući Komisije
Sadik Bahtić